

AKASHVANI AIZAWL

REGIONAL NEWS BULLETIN

HEADLINES (EVENING)

- 1. Union Minister of State George Kurian an vawiin khan PMJVK hnuiaia Siaha District-a project thlan chhuah 2 sakna tur lungphum video conference kaltlangin a phum.
- 2. Lai Autonomous District Council-a sorkarna siam chungchang vawiin khan High Court chuan ngaihtuahin thutlukna a la siam lo.
- 3. Union Cabinet chuan thlai thar ti pung turin Prime Minister Dhan-Dhaanya Krishi Yojana a pawm.
- 4. Sawrkar laipui chuan karleh Thawhtannia Parliament Fur thutkhawm neih tur pualin Pathianni khian political party tin aiawh inhmuhkhawm a ko.



UNION MINISTER INAUGURATES PMJVK SCHEME AT SIAHA

Union Minister of State George Kurian an vawiin khan PMJVK hnuiaia Siaha District-a project thlan chhuah 2 sakna tur lungphum video conference kaltlangin a phum.

Minority Affairs and Fisheries, Animal Husbandry and Dairying changtu Union Minister Pu George Kurian hian PMJVK hnuiaia Tipa V a saktur Public Market cum Multipurpose hall leh Women Facilitation Centre bakah Siaha a sak tur Multipurpose Community Hall lungphum hi a phum a ni.

India in Kum 2047 ah ram hmasawn nih a tumna kawnga thil pawimawh tak ani tih sawiin hmarchhak state hrang hrangah hmasawnna hnathawh tam tak a awm a ti a, Siaha District-ah PMJVK hnuiaia thlan chhuah project 2 lungphum phum a ni tur chu a lawmpui thu sawiin Market Shed cum Multipurpose Centre and women facilitation centre at Tipa leh Multipurpose Community Hall at Siaha te chu Mara ram mipuite nunphung nen pawh a inrem hle tiin tangkai taka hman a nih theih nan duhsakna a hlan tih a sawi.

State BJP President leh Siaha bialtu MLA Dr K. Beichhua chuan Sawrkar Laipuia sawrkarna fawng vuan mekte chu hnam hnuaihning zawk te ngaipawimawh a, an dinchhuah ve theihna tura theihtawp an chhuah thinna ah lawmthu a sawi a, hun lo la kal zel turah pawh an hmakhaw ngai a, hmasawnna hmel an hmuh zel theihna turin thawhpuih a sawm nghal bawk a ni.



CESJ

Centre for Environment & Social Justice (CESJ) chuan Aizawl khawpui chhunga mipuite himna tur hrang hrang AMC Municipal Commissioner hnenah vawiin khan an thehlut.

CESJ in rawtna an thlenah zingah hian AMC huamchhunga kawngpui kama chawhmeh zuar zawng zawng a bulhnai bazara sawn luh vek ni se an tih thu te, kawngsira lirthei chhun zan zawma riah tih tawp te, dawrkai ten an dawr kawta nileng zankhuuaa lirthei dah loh te, lirthei registration tih dawna garage nei anga insawi nei si lo te lirthei registration tihtawp sak te, AMC huamchhunga Taxi stand zawng zawng en that te, City Bus tawng lutuk tawh tlan tir tawh loh te a tel a.

Heng bakah hian dawrkai bungraw unload zingkar dar 7 hma leh zan dar 8 hnua tih tir vek te, mimal leh sorkar hmunpui hotel, dawr lian leh ennawn enna hmunah anmahni te dawl zo tur parking nei vek tura hmalak te leh AMC huamchhunga mipuite tana hnawk lirthei siamna workshop tihtawp an rawt bawk a ni.

<><><>

MTOA

Mizoram Truck Owners' Association General Secretary Pu Dina Tlau chuan kawng chhia avangin lirthei tlan tir aiin din tir a hlawk zawk tia an lirthei din tir an tam tawh tih a sawi.

Vawiina Akashvani in a kawmnaah he thu hi sawiin Pu Dina Tlau chuan Mizoram chak lakna kawngpui, Sairang leh Kawnpui inkar chu tha lai a awm meuh lo tih sawiin Sairang pelh hret, Buichali nena inkar chu a chhiat zual thu a sawi a. Lei pawp leh rod lawr thlenga a awm thu leh heng hian an lirthei ke a tih puah nasat thu a sawi a. Kawng chhia avanga traffic jam a nasat thin thu sawiin zinga driver te chhuk thla chu nileng a tangin zanah an tlaivar thin thu leh a tuk tlaiah an chhuah theih tawk thin thu a sawi ani.

Kawng siam hi NHIDCL atangin a hminga mi tlem azawng an awm ve nia an hriat thu sawiin hna a sawt lo hle a ti a. Phai atanga bungraw lut tur pawh a luh hleihtheih loh thu a sawi a ni.

Byte of Dina Tlau.....

Pu Dina Tlau chuan tun maiah chuan kawng siam hna thawktu NHIDCL an ngaihchan thu a sawi a, kartawp lamah a hmuna kal an tum thu sawiin an kalchilh chuan kawng siam hna pawh a sawt deuh thina an hriat thu a sawi a ni.

<><><>

LADC

Lai Autonomous District Council-a sorkarna siam chungchang vawiin khan High Court chuan ngaihtuahin thutlukna a la siam lova, karleh Nilaini July 23, ah ngaihtuah leh turin a dah.

ZPM Sorkara CEM Pu V.Zirsanga chuan CEM atanga paih a nihdan ah dan palzutna a awm ni a hriain, dikna humhim a nihtheih nan hma la turin High Court ah

a thlen a, Gauhati High Court, Aizawl Bench chuan he thu hi kumin May 15, June 10 leh vawiin khan a ngaihtuah a, thutlukna a la siam lo a ni..

High Court thukallai a awm vangin LADC ah hian Sorkar mumal a kalthei lova, tuna CEM nilai Pu N.Zangura pawh hna thawk theilovin dah mek a ni.

LADC a Chief Executive Member lo ni tawh, tuna ZPM, MDC nilai Pu V.Zirsanga hi kumin February 27 khan CEM atan lakluh a ni a, a kaihhruai LADC a ZPM Sorkar chuan Budget Session pawh kumin April 17 atanga 22 chhung khan neiin, Budget pawh passed a ni a, Budget erawh dan kalh a passed ni a sawiin Governor in a pawmlo a.

Hemi hnu hian BJP leh MNF ten an din United Democratic Alliance chuan LADC ah Sorkarna an siamthei tih Governor hnena an thlen a, an hruaitu M.Kawnpui bialtu MDC, BJP hruaitu Pu N.Zangura chu kumin May 8 khan CEM atan lakluh a ni.

Dan pangngai ang chuan LADC ah hian kumin kumtawp hian Inthlanpui neih a ni ang.

<><><>

BETI BACHAO BETI PADHAO

Hmeichhe naupang humhalhna leh lehkha zirtirna kawng a Central Sorkar hmalakna ‘Beti bachao beti padhao’ chu Lungleiah pawh Social Welfare Deptt hnuaiah Women & Child Deptt chuan uar takin an kalpui chho mek a.

He an hmalakna atan hian Hmeichhe naupang te dinhmun humhalhna lam hawiin School naupang zingah inelna hrang hrang, Slogan, lemziak, Reels in siamsiak, Essay in ziahsiak te an buatsaih thin a , lawmman te pawh siamsak thin an ni.

Hetihrial hian hmeichhe naupang School kallo te pawh zawng chhuakin ei an zawn theihna tur leh mi pangngai anga an awm theih nan hmalak puiin Rural Development Deptt hnuaiah puanthui te an zirtir a, Civil Hospital Lungleiah te pawh Youth Clinic te neihpuiin hetah hian Body Mass Index (BMI), thi neih chungchang te leh hmeichhiat mipatna hman hma lutuk a that loh zia te an zirtir thin a, a tlangpuiin mi 15 vel an kal thin niin thawktu te chuan an sawi. Heng mi te hi Kasturba Gandhi Balika Vidhyalaya(KGBV) hnuaiah Hostel te din anih angin a thlawnin ei leh in,silhfen te pe a enkawl mek an ni.

(Byte- student)

Lunglei W&CD hian Child Marriage Prohibition Act chungchangah pawh Awareness Campaign kalpuiin Sikul leh College bakah Kohhran thalai fellowship naah te hun an hman thin a, mipa chuan kum 21a tlin hma chuan nupui neih phal a nih loh thu leh hmeichhia pawh pasal nei turin kum 18 a tlin a ngai tih te an zirtir thin a, Inneih tum, engkim ti fel vek tawh, mahse mipa zawk kum a la tlin loh avanga Inneih hun sawn te pawh an zirtirna tang hian an awm tih an sawi.

Heibakah hian PMMVY nau nei tanpuina pek theih dan leh Protection of Women from Domestic Violence (PWD) Act te pawh mipui zingah awarensss kalpuiin Auto rickshaw, thingpui dawr, Sobji Bazar leh Office mipuiin an dawr tam

bikna bangah te zirtirna an tar a, PWD Act bik hi tunkar chho hian uar leh zual a kalpui an tum tih K. Lalrinawmi, Dist.Mission Co-Ordinator chuan a sawi.
(BYTE - official)

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

UNION CABINET ON PM DDKY

Union Cabinet chuan thlai thar ti pung turin Prime Minister Dhan-Dhaanya Krishi Yojana a pawm. He scheme hian a tum ber chu thlai chin tihpun leh loneih dan daih rei zawk thlente, thlai thar dahthatna turte, thlai chinna hmuna tui pekna tihchangtlun leh loneitute tana sum hman tur tam zawk siamte a ni a.

New Delhi-ah chanchinbumite kawmin Union Information and Broadcasting Minister Ashwini Vaishnaw chuan he scheme atan hian district 100 thlan chhuah an ni ang a ti a. An thlan dan turah hian thlai thar tam harsatna lai te, leilung chhia leh sum leh pai lama harsatna laite a ni ang a ti a. He scheme hnuaiah hian tuna scheme awm sa 36 lai chhunkhawm tur niin heng scheme te hi department 11 in an kalpui lai a ni a.Heng bakah hian state scheme kallai te pawh huam tur a ni ang a ti a. Ram chhunga loneitu vaibelchhe 1 leh nuai 70 chuangin a hlawkna an tel dawn niin Union Minister Vaishnaw chuan a sawi.

<><><>

PARLIAMENT

Sawrkar laipui chuan karleh Thawhtannia Parliament Fur thutkhawm neih tur pualin Pathianni khian political party tin aiawh inhmukkhawm a ko. He inhmukkhawmah hian sawrkar chuan house ah rorelna tluang taka neih anih theih nan party tinte thawhpuiah a sawm dawn a ni.Parliament Monsoon Session hi tun thla ni 21 hian tan a ni dawn a. Thlaleh August ni 21 thleng neih tur a ni ang.

<><><>